

Pisortanut akiitsut akilersinniarneqartarnerat pillugu Namminersorlutik Oqartussat nalunaarutaat

Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaat nr. 3, 2. maj 1996-imeersumi §§ 11, 11 a, imm. 8, 11 b, imm. 1 aamma 5, 11 c, imm. 3, aamma 12 b tunngavigalugit, Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaata allanngortinneqarneranik Inatsisartut inatsisaat nr. 13, 15. november 2007-imi kingullermik allanngortinneqartumi aammalu Aningaasarsianit akileraarutit pillugit Inatsisartut inatsisaat nr. 12, 2. november 2006-imeersumi, § 101, imm. 8 naapertorlugu makku aalajangersarneqarput:

Kapitali 1

Akiligassanik tunniussineq utertitsinerlu

§ 1. Kalaallit Nunaanni pisassaqartut pisassatik akilersinniagassat akileraaruseriffiup piumasaqaatai malillugit qarasaasiakkut tunniuttassavaat, akileraaruseriffiup immersugassiai il.il. naapertorlugin, ajornannginnerusumik nalunaarsorlugillu suliarisinnaaniassammagit, taamaattorli takuuq imm. 2. *Imm. 2.* Pisassaqartut pisinnaatitaaffeqartut meeqqanut akilersuutit annertusisat imaluunniit aapparmutakilersuutit akiliisitsiniartarfimmut tunniunnerani akileraaruseriffiup ilusiligaat immersugassat atorneqassapput.

Imm. 3. Pisassat akilersinniarneqarnissaat siunertaralugu suliassap akileraaruseriffimmut tunniunneqarnerani paasissutissat upternarsaatillu suut ilanngullugit tunniunneqassanersut akileraaruseriffiup aalajangissavaa.

Imm. 4. Akileraaruseriffik pisassanik akilersinniagassanik tigusiumanngissinnaavoq piumasaqaatit imm. 1 aamma 2-mi allaqqasut tunngavigalugit eqquuttinneqanngippata imaluunniit aalajangersakkat imm. 3 naapertorlugu naammassineqanngippata. Itigartitsinginnermi pisassaqartoq qinnuigineqassaaq akileraaruseriffiup piffissaliussaata iluani kukkanusutaasimasut amigaatillu iluarseqqullugit.

§ 2. Kommunit pisassaqartut kingusinnerpaamik ulloq akiliiffissaq ullut 14-it missaanik qaangerpagit akiliisitseqqusissut ingerlateqqissavaa, tamanna sioqqullugu akiliinissamik kinguartitsinissamik, naafferartumilluunniit akilersuinissamik isumaqatigiiittoqarsimannngippat.

Imm. 2. Namminersorlutik Oqartussat Naatsorsuutit Pillugit Quppersagaanni malitassiami aalajangersakkat naapertorlugin akiliisitsiniartarnerit tunniunneqartassapput.

Imm. 3. Ineqarnermut, kiassarnermut, innaallagissamat imermullu akiligassat akileraartarfimmut ingerlateqqinnginneranni akiitsulik akiligassanik ikinnerpaamik marloriarlugu allakkanik eqqaasitsissutinik nassinneqassaaq.

§ 3. Akileeppusinerup akileraaruseriffimmut tunniunneqareernerata kingorna pisassaqartoq akiligassaq pillugu allamik iliuuseqaqqissanngilaq.

Imm. 2. Pisassaqartoq akiitsunik akilersinniagassatut tunniunneqartunut tamakkiisunik ilaannakortumilluunniit akiitsulimmik akiliiffigineqaruni erngerluni akiliutit akileraaruseriffimmut ingerlateeqqissavai.

Imm. 3. Pisassaqartoq akiitsulimmut kinguartitsinissamik naafferartumilluunniit akilersuinissamik, imaluunniit pisassaqartoq akitsunut suliakkiutigineqarsimasunut tamakkiisumik ilaannulluunnit akiliutinik nuussinissamut kissaateqarpat, akileraaruseriffimmut akileeppusineq tamaat ilaannaaluunniit uterteeqqusinnaavaa.

Imm. 4. Akiligassat akilersinniaqqusat tamakkiisut ilaannaalluunniit utertinniarneqarpata paasissutissat makku ilanngunneqassapput:

- 1) Akiitsullip aqqa
- 2) Akiitsullip CPR-nr.-a, imalt. GER-nr.-a
- 3) Akileeppusinerup akileraaruseriffimmut isumagisassanngortinnerani ulloq
- 4) Akileeppusissutit sorlermiinneri suunerilu
- 5) Avataaneersup suliamut normorititaa
- 6) Akiligassat qanoq annertutigineri, erniarititat akiligassanullu tapiliussat
- 7) Utertitseqqusinermut peqqutaasoq

Imm. 5. Utertitsinissamut qinnuteqaatip itigartitsissutigineranut akileraaruseriffimmit tunngavilersorneqassaaq.

§ 4. Akileraaruseriffik qaammammut ataasiarluni akiliutigineqarsimasunik akiligassaqarfingineqartumut isumannaarinntassaaq, taamaattorli takuuk imm. 2. Nassiusinermi akiitsullit, akileeppusissutit il.il. qanoq agguataarsimanerat paassisutissatut ilanngullugit nassiunneqassapput.

Imm. 2. Meeqananut akilersuutit annertusisat imaluunniit aapparisamut akilersuutinik pisartagaqartussaasut akiliutigineqarsimasunik ingerlaavartumik isumannaarinntiffigineqartassapput.

Imm. 3. Marsip qaammataata naanerani akileraaruseriffik ukumi qaangiuttumi naatsorsuutinik pisassaqartoq nassittassavaa.

Kapitali 2

Pileraarusiorneq

§ 5. Akileraaruseriffiup naliliinera naapertorlugu akiitsulik pissakilliorluni ineqarnermut inuuniarnermullu naammaannartunik aningasaateqarpat akiligassaanik kinguartitsisoqarsinnaavoq.

Imm. 2. Pissutsit immikkut illuinnartut nalaanneqarnerisigut akileraaruseriffik akiligassanik kinguartitsigallarsinnaavoq.

Imm. 3. Akiitsulik, akileraaruseriffimmut suliassanngortinneqarsimasunik arlalinnut akiligassaqarpat aalajangiiffigineqarsinnaavoq akiligassat sorliit kinguartinneqassanersut.

Imm. 4. Imm. 1 aamma imm. 2. tunngavigalugit akiligassanik kinguartitsisoqarsimagaluarpaalluunniit akileraaruseriffik akiitsullip pigisaanik qularnaveeqqutitut sillimmasiussisinnavoq tunillugillu, akiligassanut ilanngaatigalugit, pisinnaatitaaffianik tigusinikkut akiliisillugu il.il., akiligassanik kinguartitsinermut

atatillugu tamanna ilisimatitsissutigineqarsimappat.

Imm. 5. Akiligassanik kinguartitsigallarneq atorunnaassaaq akiitsullip aningaasaqarnera pitsanngorpat, paasineqarpalluunniit akiligassanik kinguartitsiniarnerup akuerineqarnerata nalaani akileraaruseriffik paasissutissanik sukumiisunik peqarsimanngitsoq. Akileraaruseriffik akiitsulimmut kinguartitsigallarnerup atorunnaarneranik allakkatigut nalunaaruteqassaaq.

§ 6. Akiitsulik, akileraaruseriffimmut suliassanngortinnejqarsimasunik arlalinnut akiligassaqarpat naafferartumik akilersuinissamut isumaqtigiissut akiligassanut sorlernut akilersuinissaq aalajangiivigneqarsinnaavoq.

Imm. 2. Akiitsulik isumaqtigiissutit malillugit naafferartumik akilersuigaluarpalluunniit akileraaruseriffik akiitsullip pigisaanik qularnaveeqqutitut sillimmasiusisinnavaoq tunillugillu, akiligassanut ilanngaatigalugit, pisinnaatitaaffimmik tigusinikkut akiliisillugu il.il., isumaqtigiissummut atatillugu tamanna ilisimatitsissutigineqarsimappat.

§ 7. Suliat akiliisinnaajunnaarnermut, akuerineqartariaqartumik isumaqtigiissuteqarnermut, akiitsunik isumakkeerinninnermut, ingerlatsisinnaajunnaarnermi isumannaarininnermut, toqusup pigisaanik isumaginninnermut assigisaannullu attuumassuteqartut isumaqtigiissusiornikkut akileraaruseriffiup, akiitsunut suli akileraaruseriffimmut isumagisassanngortinnejqannngitsunik pisassaqartup soqutigisai sinnerlugit akileraaruseriffik iliuuseqarsinnaatitaavoq.

§ 8. Nalunaarutit, ilisimatitsissutit, eqqaasitsissutit, aggeqqusissutit, aalajangiinerit imaluunniit allakkatigut atassuteqarneq il.il. akileraaruseriffimmit isumagineqarsimasut atsiornertaqanngitsumik, maskiinamilluunniit atsiornikkut eqqartuussinerni inuup nammineq uppernarsaalluni atsiorneraatuulli atorneqarsinnaapput.

Kapitali 3

Ernialersuineq

§ 9. Akiligassat akileraarutinut tunngasut, akilersinniaqqullugit isumagisassanngortinnejqareersimasut tunniunnejqareersimasullu qaammatip tulliup aallaqqaataanit 1% - imik ernialerneqartassapput, siornatigulli ernialiunnejqarsimasut suli akilerneqarsimanngitsut ernialerneqaqqissangillat.

Imm. 2. Namminersorlutik Oqartussanut ESU aqqutigalugu atukkanut ernialersukkanut akiitsorilikkat akileqqlusaareersullu qaammatip tulliup aallaqqaataanit tamakkiisumik ukiumut 4% -inik ernialerneqartassapput. Qaammatikkaartumik ernialiisoqartassaaq. Erniat, aningaasartuutit assigisaallu ilanngunnagit pisassariat erniaat naatsorsorneqassapput.

Imm. 3. Ilinniagaqarnermi Landskarsimit taarsigassarsiat akilersinniaqqullugit isumagisassanngortitat ukiumut tamakkiisumik ernialerneqartassapput, diskonto-p tamatigut pisortatigoortup nalingata qaavatigut 1% - imik ilaneqartassapput. Erniat qaammatikkaartumik ilanngunnejqartassapput. Erniat pisassarisat nalingi, ernialiissutigineqareersut, aningaasartuutit, assigisaallu ilanngunnagit naatsorsorneqartassapput.

Imm. 4. Ilinniagaqarnersiutit eqqunngitsumik tiguneqarsimasut akilersinniaqqullugillu, isumagisassanngortinnejqarnerisa kingorna qaammatit aallartinneri tamaasa tamakkiisumik ukiumut 6% -

inik ernialerneqartassapput, diskonto-p tamatigut pisortatigoortup nalingata qaavatigut. Erniat qaammatikkaartumik ilangunneqartassapput. Erniat pisassarisat nalingi, ernialiissutigineqareersut, aningaasartuutit, assigaallu ilangunnagit naatsorsorneqartassapput.

*Imm. 5. Immikkoortuni 1-imiit 4-mut allaqqasut qaammammi akiligassat akilerneqarfiani
ernialiisoqassanngilaq.*

Kapitel 4

Pinngitsaaliisummik naammassisitsineq

§ 10. Pinngitsaaliisummik akiliisitsiniartoqartinnagu akiliisitsiniartartup akiitsulik, akiitsulilluunniit sinnerlugu isumaginnittooq nammineq kajumissuseqarluni akileeqqoqqaassavaa.

§ 11. Akiliisitsiniartartup pinngitsaaliisummik akiliisitsiniarneq kinguartissinnaavaa, makkuninnga peqquteqarpat

1) akiliisitsiniarnerup suliarinerata inerneriumaagassaa eqqartuussinermi allaffissornikkulluunniit suliarineranut sunniuteqassappat, imaluunniit

2) allanik immikkut ittunik peqqutissaqarpat

Imm. 2. Pisassaqartup pinngitsaaliisummik akiliisitsiniarnerup kinguartinneqarnissaa pissutissaqarluni eqqarsarnartoqartippagu, akiliisitsiniartartup taarsiullugu pigisanik qularnaveeqqutitut sillimmasiussoqassasoq piumasarisinnaavaa pisassaqartumullu piumasaralugu imaluunniit aalajangiisoqassasoq pigisanik qularnaveeqqusiussanik pinngitsaaliisummik tuniniaasoqassanngitsoq aalajangiineq aalajangersimasoq pitinnagu imaluunniit piffissaliussimasap qaangiutinnginnerani.

Piffissaliussaq sivitsorneqarsinnaavoq.

§ 12. Pinngitsaaliisummik akiliisitsiniarnermi suliaq aallarteqqinnejqarsinnaavoq illuatungerit isumaqtigiissuteqarnerisigut, akiliisitsiniartartulluunniit pisariaqarsorippagu, pingartumik makku peqqutaatinneqarpata

1) akiligassalik inulluunniit alla pigisanik qularnaveeqqutitut sillimmasiusineq atorunnaarseqqullugu piumasaqarpat inuup allap pisinnaatitaaffinut akerliunera peqqutigalugu,

2) qularnaveeqqutitut sillimmasiusanik pisassalik tunniussinissamik aalajangiinermik nutaamik, inissiigallarnermik nakkutilliinermilluunniit piumasaqarpat,

3) pinngitsaaliisummik akiliisitsiniarnermi akiligassalik peqataasimanngippat, akiligassalillu eqqartuussisarnermi inatsisit kapitel 7, §§ 8, imm. 1, 10, imaluunniit 21, imm. 3 tunngavigalugit pisinnaatitaaffini piumasarippagit

4) pisut assiginngitsut pissutigalugit pigisanik qularnaveeqqutitut sillimmasiusinerup atorunnaarsinneqarnera akiitsulimmit aalajangiiffigeqqullugu kissaatigineqarpat, eqqartuussinikkulluunniit pinngitsaaliisummik naammassisitsineq atorunnaarsinneqarpat, atorsinnaanngitsutulluunniit nalilerneqarpat.

§ 13. Akiliisitsiniartartup pinngitsaaliisummik naammassisitsinera pisussaaqataasumit imaluunniit inummit allamit itigartinneqarsinnaanngitsumik akerlerineqarpat akiliisitsiniartartup pinngitsaaliisummik naammassisitseqquneqarnini unitsillugu suliassaq eqqartuussivimmut suliassanngortissavaa.

Taamatuttaaq pisoqassaaq akiliisitsiniartartoq isumaqarpat pinngitsaaliissummik naammassisitsiniaanermut tunngavigisaq nalorninassutitaqarsimappat. Suliassaq eqqartuussivimmut suliassanngortinnejassaaq akiliisitsiniartartup akerliliissut tunuartikkaluarpaguluunniit.

Pigisanik qularnaveeqqutitut sillimmasiussineq

- § 14.** Akiligassat akilersinniarlugit arsaarinissutinik suliaqartoqassatillugu akiliisitsiniartartup piffissaliussaq pillugu sumilu ingerlanneqassanersoq akiligassalik sapinngisamik nalunaarfigissavaa. Nalunaarutiginninneq aviisitigut pissaaq, imm. 3 tunngavigalugu, imaluunniit akiligassalik pinngitsaaliissummik akiliisitsiniarnermi najuutitinnerani, imm. 4 tunngavigalugu.
- Imm. 2.* Akiliisitsiniartartup isumaalliorsorinartinngippagu akiitsulik nalunaarfigeqqaarnagu pinngitsaaliissummik akiliisitsiniarneq ingerlassinnaavaa, akiitsullip akileraarutigivallaarsimasaminik siusinaartumik utertitsivigineqarnissaminut allakkatigut qinnuteqarnerminut atatillugu, pinngitsaaliissummik akiliisitsiniarneq siumoortumik nalunaaruteqqaqqarani ingerlanneqarsinnaasoq akuersissutigisimappagu, imaluunniit nalilerneqarpat akiligassanut matusissutissat pissarsiarineqarsinnaanerinut annertuumik innarliisinnaasoq. Peqqutaasumut kingullermut tunngatillugu peqqutigineqartoq akiliisitsiniartartup allattaavianut allanneqassaaq, akiliisitsiniartartullu pisassaqartup siusinnerusukkut qularnaveeqquisiussai naammassisitsissutigineqassasut piumasarisinnaavaa.
- Imm. 3.* Aviisitigut nalunaaruteqartoqarsinnaavoq akileeqqusissutip piffissaq eqqorlugu akilerneqarfissaa aatsaat qaangiutereerpat, pinngitsaaliissummillu akiliisitsiniarnissaq aatsaat pisinnaavoq nalunaaruteqarnermit ullut arfineq marluk qaangiunnerisigut.
- Imm. 4.* Piffissaliussat pineqartut naapertorlugit akiliisitsiniartartup akiitsulik pinngitsaaliissummik akiliisitsiniarnermi najuuteqqusinnaavaa illoqarfimmi nunaqarfimmiluunniit akiliisitsiniarfiusussami najugaqarpat, suliffuteqarpalluunniit. Pinngitsaaliissummik akiliisitsiniarnissaq akiliisitsiniartartup suliffiata avataani pissappat akiliisitsiniarnissaq qaugu sumilu pissanersoq akiliisitsiniartartup pilersaarusiornoranut naapertuuttumik pilersaarusiorneqassaaq. Aggersaanermi akiitsullip nammineerluni ornigunnissaa piumasarineqarsinnaavoq. Agginngitsoornerup kingunerisinnaasai aggersaanermut atatillugu paasisutissatut ilanngunneqassapput.
- Imm. 5.* Akiligassalik peqatigiiffiuppat, suliffeqarfiuppat, taakkununngaluuunniit assingusuuppat, peqatigiiffiup suliffeqarfulluunniit pisortaa, pisariaqassappallu peqatigiiffimmi siulersuisuni ilaasortaq maleruagassat siuliani taaneqartut naapertorlugit aggeqquneqarsinnaavoq, peqatigiiffik suliffeqarfulluunniit illoqarfimmi nunaqarfimmiluunniit inuussutissarsiornermk ingerlatsiviusumiippat, aggersarneqarsinnaavoq.
- Imm. 6.* Pinngitsaaliissummik akiliisitsiniarnermi akiliisitsiniartartup akiligassaqarfingineqartup najuunniissaa pisariaqarsoriguniuk aggersarsinnaavaa. Agginngitsoornerup kingunerisinnaasai aggersaanermut atatillugu paasisutissatut ilanngunneqassapput. Akiligassaqarfingineqartoq peqataanngitsoorpat akiliisitsiniartartup suliassaq itigartitsissutigisinnaavaa.
- Imm. 7.* Akiligassat akilersinniarlugit arsaarinissutinik suliaqarnermi akiliisitsiniartartoq uppernarsaasussamik najuutitaqartitsisinnaavoq.

§ 15. Akiitsulik agginngitsooraluarpat, pissarsiarineqarsinnaanngikkaluarpalluunniit pinngitsaaliissummik akiliisitsiniartoqarsinnaavoq. Akiliisitsiniartartulli allaffiani taamaallaat pigisanik qularnaveeqqutitut

sillimmasiussisoqarsinnaavoq, qularnaaveeqqutitut sillimmasiussat akiligassallip pigigai qulaarnaarneqarsinnaappat.

Imm. 2. Pinngitsaaliisummik akiliisitsiniarnermi akiitsulik agginngitsuussagaluarpat, pissarsiarineqarsinnaanngippalluunniit akiitsulimmuit aappaq, inooqat, inulluunnit 18-it sinnerludit ukiulik, akiitsullillu akiitsuinik ilisimasaqartoq, pinngitsaaliisummik akiliisitsiniarnerup nalaani isumaginnejqullugit peqquneqassapput.

Imm. 3. Akiitsullip pinngitsaaliisummik akiliisitsiniarnermi najuunnissaa akiliisitsiniartartup piumasarippagu suliaq kinguartinneqarsinnaavoq.

§ 16. Pigisat qularnaveeqqutitut sillimmasiunneqartut akiliisitsiniartartup allattaavimminut allassavai.

Naliliisoqarpat nalingi nalunaarsorneqassapput.

Imm. 2. Akiliisitsiniartartup akiitsulik pigisanik qularnaveeqqutitut sillimmasiussinerup inatsisitigut atugassarititaasut pillugit ilisimatissavaa, tassunga ilanngullugit akiitsulik akuerisaangitsumik pigisanik qularnaveeqqutitut sillimmasiussanik tigumiaqarpat, arsaarinnissutinik pisassalimmuit ajoquaasinnaasumik iliuuseqarsimaneq pinerlussimasutut pineqaatissinneqarsinnaavoq. Akiitsulik najuutinngippat, akiitsulik sinnerlugu najuuttut allakkatigut oqaasiinnakkulluunniit ilisimatinneqassapput.

§ 17. Pinngitsaaliisummik tunisineq Kalaallit Nunaanni eqqartuussisarnermik inatsit naapertorlugu ingerlanneqassaaq.

Akissarsianik ilanngaasarneq

§ 18. Aningaasarsianik ilanngaassisalernissaq akileraaruseriffiup akiitsulimmuit allakkatigut siumut ilisimatitsissutigissavaa. Ilisimatitsinermi ilanngaassiniissami procentit qassit, aningaasat qanoq amerlatigisut, ilanngaassisarnissap naatsorsornerani procentit qassit imaluunniit aningaasat qanoq amerlatigisut ilanngaatigineqartassanersut aalajangernerani aningaasarsiallu suut toqqammaviusimanersut ilisimatitsissutigineqassapput. Taakku saniasigut isertitanut tunngasut aningaasarsianit ilanngaassisalernerup siorna kingornaluuunniit, siumut aammaarluni ilisimatseqqinnerup kingorna ilanngaassisarnermi procentit ilanngaatigineqartussat, aningaasalluunniit ilanngaatigineqartussat amerlassusaasa allanngortinneqarsinnaaneri akileraaruseriffiup ilisimatitsissutigissavai. Aningaasarsianik ilanngaassisalernissamut atatillugu akileraaruseriffiup ilimasaarinerminut allakkamini siumoortumik missingersuusiornissamut immersugassaq akiitsulimmuit nassiuutissavaa ilisimatitsissutigalugulu, akiitsullillu immersugassaq immersiorlugu utertissinnaaga ilisimatitsissutigineqassaaq, paassisutissallu nassiuunneqartut akiligassallip akissarsiaanit ilanngaassiniissami procentit qassit imaluunniit qanoq annertutigisumik ilanngaasarnissamut aalajangernermi atorneqarnissaat ilisimatitsissutigineqassaaq. Akiitsulik siumoortumik missingersuusiornissamut immersuinissaminut ullunik 14-inik periarfissinneqassaaq.

Imm. 2. Akiitsullip siumoortumik missingersuusiornissamut immersugassaq nassiuutinngippagu siumut nalunaaruteqarneq naapertorlugu aningaasarsianik ilanngaassisarneq aallartinneqarsinnaavoq.

Akileraaruseriffiup aalajangiineq akiitsulimmuit piaartumik nalunaarutigissavaa. Nalunaaruteqarneq allakkatigut pissaaq, akiitsorisallu suuneri, qanorlu annertutigineri nalunaarutigineqassapput.

Imm. 3. Akiitsulik inuit allattorsimaffianni nalunaarsorneqarsimannngippat sumilu najugaqarnerminik,

allamulluunniit nassitsiviusinnaasumik ilisimatitsinngippat, aningaasarsianik ilanngaassisalernissaq siumut ilisimatitseqqaarani aallartinneqarsinnaavoq.

Imm. 4. Akiitsullip siumoortumik missingersuusiornissamut immersugassaq nassiuppagu, akissarsianillu ilanngaasarneq aallartinneqarpat, akileraaruseriffiup naliliinera naapertorlugu akiitsulik pissakilliorluni ineqarnermut inuuniarnermullu naammaannartunik atugaqarluni inuusinnaanera qulakkiissavaa.

Naliliinerup paasinarsisippagu akiliisinnaassuseqanngitsoq akiligassanik kinguartitsigallartoqarsinnaavoq takuuq § 5.

Imm. 5. Akileraaruseriffik akiligassamik akilersinniagassamik tigusaqarpat akiitsulillu taassuma saniatigut akissarsiamigut ilanngaanneqartarluni akilersugaqarpat, akileraaruseriffik siumut nalunaaruteqaqqaaarani akissarsianik ilanngaasinnaavoq, ilanngaassinissami procenti imaluunniit aningaasat akiliutigineqartartut qaffanneqanngippata.

Imm. 6. Akileraaruseriffik aalajangiisinnaavoq ilanngaassinissami procenti imaluunniit aningaasat qassit ilanngaatigineqartassanersut allangortillugit, akiitsullip aningaasatigut inisisimanera allanguuteqarpat. Ilanngaatigineqartartup procentia imaluunniit aningaasat ilanngaatigineqartussat qaffanneqarpata akileraaruseriffiup imm. 1-imi ilisimatitsinermi piumasaqaatit malissavai.

Imm. 7. Akileraaruseriffik naliliissaq akiitsulik pissakilliorluni ineqarnermut inuuniarnermullu naammaannartunik atugaqarluni inuusinnaanini qulkkeerneqaqqulugu qinnuteqarpat, akiitsullip aningaasaqarnikkut atugarisami allanngorluinnarnerisa kingunerisaanik.

§ 19. Unerartitsisussaatitap kingusinnerpaamik qaammatip ulluisa qulinganni, qaammatip unerartitsiviup siuliani akissarsiat ilanngaatigisimasani akileraaruseriffimmut nalunaarutigissavai. Qaammatisiutit malillugit ullut qulingat arfininngorneruppat, sapaataappat imaluunniit nalliuuttuppat piffissarititaq kingulleq ulluinnarmut siullermut kinguartinneqassaaq.

Imm. 2. Akissarsianit ilanngaatit unerartinneqarneri ilutigalugu akileraaruseriffimmut ingerlateqqinnejartassapput. Taanna ilutigalugu unerartitsisussaatitap akiitsulik allakkatigut imaluunniit tusagassiutit atuarneqarsinnaasut arlaat aqqutigalugu, aningaasat unerartitat annertussusaat nalunaarutigissavaa. Aningaasat unerartitat qaammatip unerartitsiviup tulliata aallaqqaataanut akiligassanngortinneqassapput. Piffissaatillugu ulloq akiliiffissaq kingulleq tassaassaaq qaammatip akiliiffissap ulluisa 20-at. Qaammatip ulluisa 20-at arfininngorneruppat, sapaataappat nalliuuttupalluunniit kingusinnerpaamik nalunaarfissaq ulluinnarmut siullermut kinguartinneqassaaq.

Imm. 3. Unerartitsisussaatitap akileraaruteqaataasussat A-t pillugit akileraartartunut 20-nut amerlanerusunulluunniit qaammammut unerartitsiviusumut nalunaaruteqaatissani, akissarsiat ilanngaatigineqartut pillugit qarasaasiakkut nalunaarutigisassavai. Nalunaarutit akileraaruseriffiup immersugassiatut sanaavi il.il. atorlugit tunniunneqassapput taakkulu akileraaruseriffiup nalunaarsuinermut maleruagassiai malillugit akiitsullit ataasiakkaarlugit paassisutissat tamaasa ilanngullugit akileraaruseriffimmut tunniunneqassapput.

Imm.4. Akileraaruseriffiup unerartitsisussaatitaq peqqusinnaavaa akileraaruteqaataasussat A-t pillugit qaammami unerartitsiviusumi nalunaaruteqartarnissaa akileraartartunik 20-it inorlugit sulisoqarpat, akissarsiat ilanngaatigineqartut qarasaasiakkut nalunaarutigineqartassapput, paassisutissat qarasaasiami pigineqarpata unerartitsisussaatitarlu qarasaasiaq atorlugu internetsimut atuinissaminut periarfissaqarpat.

Imm 5. Unerartitsisussaatitat akissarsiat ilanngaatit pillugit qarasaasiakkut nalunaaruteqartussaanngitsut

akileraaruseriffiup immersugassiai atorlugit nalunaaruteqartassapput. Nalunaarut akileraaruseriffiup nalunaarsuinermut maleruagassiai malillugit akiitsullit ataasiakkaarlugit paassisutissat tamaasa ilanngullugit akileraaruseriffimmut tunniunneqassapput.

Imm.6. Akissarsianik ilanngaanermi nalunaarutinut naatsorsuinermi tunngaviit unerartitsisussaatitamit ukiup unerartitsiviusup qaangiunnerata kingorna minnerpaamik ukiut tallimat toqqortarissavai.

§ 20. Unerartitsisussaatitap akiitsulik sulisorinngikkuniuk, suliunnaarsimappalluunniit, aningaasalluunniit unerartitat unippata ullut tallimat qaangiutsinnagit unerartitsisumit akileraaruseriffimmut nalunaarutigineqassaaq.

Imm. 2. Unerartitsisussaatitap qinnuigineqarnini naapertorlugu paassisutissat akiitsullip suliffeqarneranut aningaasaqarneranullu tunngasut unerartitsinissamut attuumassuteqartut tamaasa akileraaruseriffimmut tunniutissavai. Akissuteqarneq qinnuiginninnerup kingorna ullut 14-it qaangiutsinnagit tunniunneqassaaq.

Kapitali 5

Pineqaatissiissutit atortuulersitsinerlu

Pineqaatissiissutit

§ 21. Kinaluunniit piaaraluni, mianersuaalliorujussuarluniluunniit §§-inik 19 aamma 20-imik unioqqutitsisut akiliisussanngortinneqarsinnaavoq.

Imm. 2. Imm. 1-im i taaneqartut arlaat aktienik piginneqatigiiffimmit, piginneqataassuteqarluni ingerlatseqatigiiffimmit, piginneqatigiilluni ingerlatseqatigiiffimmit, peqatigiiffimmit, pisortat allaluunniit pigisaat imminut ingerlattumit, aningaasaateqarfimmit taamaaqataanilluunniit unioqqutinneqarpata inatsisitigut pisinnaatitaasoq pisussaatitaasorlu akiliisussanngortinneqarsinnaavoq. Namminersorlutik Oqartussat, kommunit imaluunniit Kommunit Kattuffiat unioqqutitsisuusimappata, Namminersorlutik Oqartussat, kommunalbestyrelsi imaluunniit Kommunit Kattuffiat akiliisussanngortinneqarsinnaapput.

Atortuulersitsineq

§ 22. Nalunaarut ullormi nalunaarutigineqarnerani atortuulersinneqarpoq.(*)

Imm. 2. Ilutigalugu, pisortanut akiitsut pantefogedenit akilersinniarneqartarnerat pillugu Namminersornerullutik Oqartussat nalunaarutaat nr. 10, 18. juni 2004-meersoq atorunnaarpoq.

Namminersorlutik Oqartussat, ulloq 1. juli 2010

Palle Christiansen

/

Jan H. Lynge-Pedersen

(* 5. juli 2010 saqqummiunneqartoq)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut